

元明事類鈔

欽定四庫全書

元明事類鈔卷二十三

監察御史姚之駟撰

武功門

名將

收大黃 元史太宗下靈武諸將爭取子女金帛楚材

獨收遺書及大黃藥材既而士卒疫得大黃輒愈

百五十戰 元名臣事畧阿珠每聞敵所在忠勇奮發

即躍馬挺槊陷陣深入故南討北征四十年大小百五十戰未嘗敗衄

賽存孝 元史劉整從孟珙攻金信陽以十二人渡塹登城襲擒其守珙曰唐李存孝率十八騎拔洛陽今整所將更寡而取信陽乃書其旌曰賽存孝

乘雕督戰 元史布哈遇劇賊為所害後軍中往往見其乘雕督戰云

數創痕 元史類編郝和尚以善戰名朝後太宗於行

在命解衣數其創痕凡二十一帝嘉其勞進五路萬戶

深畧善斷 元史巴延深畧善斷將二十萬衆若將一人諸帥仰之如神明

比三代師 元史沙木斯鼎鎮雲南會羅槃甸反師出三日不攻敵亦不降遣使善諭之越三日又不降諸將有發憤自往攻者梁斯鼎將治以法叩請乃免羅槃主曰平章寬仁如此拒命不祥乃舉國降是役也兵不

血刃比三代之師云

傳一廖二 楊慎集蜀解元王孝忠鄉試賀平西表有
句云川四已三叔彈丸黑子之地傳一廖二成大統
函夏之天傳一廖二乃太祖御製平西蜀頌中語謂
傳有德之功第一廖永忠之功第二也人咸服其博
洽

蹴陳駕張 宋濂康公神道碑東吳西楚蹴陳駕張身
黑將軍 名臣錄上將取徐州花雲為先鋒單騎遇賊

數千人雲提劍躍馬衛上橫衝而過敵大驚曰此黑將軍勇甚不可與爭鋒

九佩印 卓異記徐中山達以中書丞相佩大將軍印一佩征鹵大將軍印八自吳以前不佩印而總兵者又不易數

文臣視師 王世貞集王越以總督視師延綏屢以輕騎破敵前是文臣視師者多從大將軍後出號令而已至越乃得選武騎為腹心將而始有戰後紅鹽池

之捷擒斬尤多

少將 名世類苑襄城伯李隆年十五襲爵天姿英偉
上深器之每有征伐輒命領兵其應機發策出奇取
勝雖老於行陣者亦多讓其能

行兵三事 宋濂集胡武莊嘗曰吾不知書然行兵惟
有三事不殺人不虜人婦女不焚人廬舍

徐常明王世貞史傳常遇春為人沈鷺果毅出則摧
鋒入則殿後未嘗敗北年差長于大將軍而數從征

伐進止赴期不敢爽毫髮故一時稱名將者必曰徐
常

黑丁 獻徵錄丁德興驍勇善射上偉其才貌以黑丁
呼之嘗與諸將論征伐難處曰必得黑丁乃可後封
濟國公

譚家馬 明王偉集永寧伯譚廣統神機兵進止有度
望見皆曰此譚家馬也文皇有所指揮亦曰譚家馬
至漠北相戒亦曰慎無犯譚家馬

瘦官人 明雜記倭人入犯任公環大小數十戰功最
多歸熙甫詩云江南列郡盡棄城藏穴何人肯出兵
惟有使君躬擐甲劉家港口看潮生公軀瘦瘠倭人
目曰瘦官人望而避之

將能知將 劉定之疏今國家用將有出于將門之中
者石亨楊洪是也有出于將門之外者于謙楊善是
也然惟將能知將宜令其不拘門第各舉所知以任
之

楊王 明陳循集昌平侯楊洪鎮宣府時敵人敬畏之
呼之為楊王顧森之難奮不顧身一時于諸將中功
為最

卷之五

一、
二、
三、
四、
五、
六、
七、
八、
九、
十、

者十帝輒祭告郊廟受賀蟒衣金繒歲時稠疊邊帥
武功之盛二百年來未有也卒年九十子九人五總
兵官四叅將

有鬚婦人 明余寅集劉將軍綬嘗自詫徃在西陲時
庶幾男子今在東南有鬚婦人耳嗟嗟將軍奈何竟
卧東南自愉快乎

盧閩王 明季遺聞盧象昇備兵天雄屢敗賊賊相戒
此盧閩王遇即死不可犯復總督七省屢獲奇勝

鎮皮島 明史稿毛文龍以總兵掛將軍印鎮皮島皮島亦稱東江在登萊大海中袁崇煥以閔兵為名泛海抵雙島計斬之崇煥既妄殺文龍後帝亦誤殺崇煥邊事益無人矣

三卮屬軍 崇啓野乘左良玉微時事昌平軍門侯恂為走卒會有警受詔赴救侯公曰此非良玉不可夜即遣總兵諭意詰旦會轅門大集諸將賜良玉卮酒三令箭一曰三卮酒者以三軍屬將軍也令箭如吾

自行諸將其勉聽左將軍令後果大捷

東李西麻 明史稿麻貴大同人善用兵承欽賜者七

錫世廕者六麻氏多將材人以方鐵嶺李氏曰東李

西麻

兵法

七星樁 元史李黼為江州路總管禦賊於江以長木

數千冒鐵椎於杪暗植沿岸水中逆刺賊舟謂之七

星樁

竹籠火炬 元史汪維正攻宋臨嘉陵江作柵扼其水道夜懸燈柵間編竹為籠中置火炬順地勢走轉照百里外宋人知有備不敢近

樂作乃戰 虞集碑文張宏範以舟師攻宋於海中下令曰聞吾樂作乃戰先麾北面一軍乘潮而戰不克順潮以退樂作宋人以為且宴少懈舟師直犯其前衆繼之宋師大潰

出征命獵 續通考成祖親征阿魯台度偏嶺命將士

獵於道旁山下上曰朕非好獵顧畋獵可以馳馬揮
戈作其驍勇之氣耳

穴地爨 王世貞集藍玉襲寇用定遠侯王弼謀令諸
軍穴地而爨毋使見煙火寇竟不見

冰城 明紀事本末納克楚寇遼東沿祚河遁歸指揮

葉旺緣河預疊冰為牆以水淋之經宿凝沍隱然如
城藏釘板於沙中設陷馬阱於平地伏兵以待之敵
至遇冰城馬不前大敗焉

神兵衝霧 卓異記沐英師次曲靖阨險莫前忽大霧
四塞英揮兵衝霧而進比霽賊大驚以為神兵飛至
遂乘勝取雲南

天橋 明史稿廖永忠從伐友諒攻江州州城臨江水
忠揣城高下造橋於船尾名曰天橋以船乘風倒行
橋傳於城遂克之

反間遲留 名世類苑宸濠叛王文成公誓死進兵恐
濠徑襲南京遂犯北京圖為阻撓使遲留半月遠近